

den ghenen diet alle daghe lest den  
 wil onse vrouwe bystaen en troeste  
 hem in sijn leste en openbaren hem  
 drie daghen voer sijn doet en verkun-  
 dighen hem die vre sijns dodes ende  
 segghen hem dat hie is van dat ghe-  
 tal der saligher als in een cloester  
 van sunte benedictus oerde eenre  
 abdissen is ghescheet als sie lach en  
 starff. en daer nae vake is onduode

**G**loriose vrou **G**hebeth.  
 we ende alre hillichste  
 suetste maghet hillighe  
 maria moeder godes vil  
 alre goddienslich. dochter des ouer-  
 sten coeninghes **O** gloriose moeder  
 ioncfrouwe voer die ghebuerte iot  
 frouwe inder ghebuerten. ioncfrou-  
 we nae der ghebuerten **M**oeder der  
 wesen. troest der hulpelosen. wech  
 der dwelender. heil der gheenre die  
 in dy hopen. fonteyne des leuens